

Izjava: Visoki predstavnik pozdravlja opredjeljenost Vlade RS da nastavi razgovore o reformi policije

Visoki predstavnik danas je pozdravio opredjeljenost Vlade Republike Srpske da ponovo počne razgovore o reformi policije sa Vijećem ministara BiH i Vladom FBiH.

Visoki predstavnik je rekao: "Reforma policije ostaje posljednja velika barijera koju treba ukloniti da bi BiH krenula putem ka Evropi. Pozdravljam namjeru Vlade RS da se ponovo konstruktivno angažuje na stvaranju okvira za reformu policije u skladu sa tri principa EU i na osnovu dogovora koji je već postignut na Vlašiću. Podržavam stav premijera Bukejlovića da je sada pravo vrijeme da institucije u BiH utvrde put za ponovno pokretanje formalnog procesa razgovora koji su prekinuti u Konaku 16. maja. Proces policijske reforme zahtijevaće široki konsensus a međunarodna zajednica izražava podršku organima vlasti za provođenje potrebnih konsultacija kako bi se osigurao pozitivan ishod. OHR u potpunosti podržava ovaj proces, i spreman je pružiti ekspertnu pomoć ukoliko bosanskohercegovačke institucije to budu zahtijevale."

Visoki predstavnik također je rekao da ukoliko BiH želi priliku da započne pregovore o stabilizaciji i pridruživanju sa EU 2005. godine do 10. godišnjice Dayton, onda se razgovori moraju zaključiti okvirnim političkim sporazumom koji bi se predočio parlamentima do polovine septembra.